

## omagi travers

In venderdi, ils lö ün concert an Niclà. Quist omagi a l'epoca vers cun ouvras emann. Ils traiss taglians, Mirrossi, tuots duos Simone Webber maintan las ouvras seguit al conter cultural Ba a bavarella e (protr.)

640889

## a da las s e cüms

i ha lö la vernis-  
Gewässerperlen»  
a las 18.00, i'l  
ogn Engiadina  
edidescha il cu-  
n» als ultims  
d intacts. In oc-  
ha prelegia l'a-  
a. Invista dan eir  
resident dal Fo-  
A, ed Anita Ma-  
tiun dal WWF  
a pissera Cinzia  
(protr.)

## ot

el cun l'ustera  
organisescha  
aint fingià per  
la partida es la  
la gruppera «Die  
Las ulteriuras  
preschiantadas  
lamischot. L'en-  
ornar a chasa es  
(protr.)

ivegna ün/una

in Engiadina



La ceremonia intuorn il fö es il punct culminant da la festa da Johanni.

fotografia: mad

# Ingrazchar per l'abundanza da la stà

## Festa da Johanni da la Scoula d'Avrona cun amis

**L'occurrenza da Johanni vain  
festagiada minch'on da la  
Scoula Rudolf Steiner d'Avrona a  
Tarasp. L'ultima fin d'eivna ha  
gnü lö la festa cun activitatis  
sportivas e cun la ceremonia  
dal fö.**

Il fö in memoria a Johannes, il battiader es per tuot ils partecipants a la festa ün mumaint magic chi algorda a dits dal temp passà. Il fö vain impizzà minch'on a mezdi sül territori da la scoula d'Avrona e vain transportà cun üna coppa da fö sü pro'l Lai Nair sur Avrona. Cur cha'ls razs dal sülai as rumpan illa culla cun aua, cur cha'ls razs da la glüm as concentreschan ed il müschel süt cumainza da fümar e tschüffä fö, lura es gnu il mumaint bramà. Il fö sül Lai Nair vain perchürä tuottadi fin la saira ingio chi vain invüdä il fö grond da Johanni. Il fö da Johanni es gnu impizzà ingon la saira davo las ot in preschentscha dals scolars e magisters da la scoula d'Avrona, da partecipants da la Scoula libra da Scuol ed eir dad oters preschaints. Il program da la festa ha cumanzà fingià sonda avantmezdi culla festa da Johanni, cun ün giantar cumünaivel e cul fö.

In sonda davomezzi ha lura gnu lö pro'l Lai Nair l'olimpiada culla scoula d'Avrona insemla culla scoula libra da Scuol. Üna lotta cun tschinrich disciplinas sco pro las prümas olimpiadas chi han gnu lö tanter il 776 avant Christus ed il 393 davo Christus mincha quatter ons. Las tschinrich disciplinas sun: Trar la lantscha e la balla, cuorsa cuorta, trar la culla, sigl in lung e luottar. La festa vain dominada d'ün fö cun ün'otezza da var tschinrich metters chi vala sco culmaina e finischun da la festa. Il fö vain impizzà hoz amo in divers pajais, ma impustüt in Svezia, sco ingrazchamaint per l'abun-

danza da la stà e davo ün inviern dür. Eir pro'l gös olimpics d'hozindha ha il fö si'importanza, quai d'eira il fö per onurar a la Dieua Helias. Pels scolars ed educatuors da la scoula d'Avrona nun esa ingüna lavur da ramassar la laina pel föun. Els s'allegran fingià lönnch ouravant per l'eveniment bramà. Ün oter avantag ha la festa eir amo, il pas-ch pro'l Lai Nair vain rumi da laina chi sta perquai via ed ils paurs profitan da la rumida gratuita. La festa es ida inavant la dumengia culla festa da la fin da scoula e cul cumgià da scolars chi bandunan la scoula dad Avrona. (anr/bcs)

## Üna festa in memoria a Johannes, il battiader

La data da la naschentscha da Johannes, il battiader corresponda, fat quint davent da la naschentscha da Gesu, traiss mais davo la proclamaziun da Maria e ses mais avant Nadal. I'l on da la baselgia d'eira quai tanter ils 22 e 24 da gün. La baselgia catolica celebrescha il di da Johanni sco festa da la naschentscha da Johannes, il battiader. Illas ciads gaiavan ils umans quel di sün sunteri per decorar las fossas da lur paraunts cun fluors. In divers pajais vain l'üsanza

festagiada cun ün bal intuorn il fö. L'üsanza exista daspo il 12avel tschientiner e vain celebrada regularmaing daspo il 14avel tschientiner. Tenor la creta dal pövel da plü bod dess il fö da Johanni avair la pussanza da s-chatschar dimunis e noschs spierti chi desan esser responsabels per dous vi da bes-chas, per uffants mal creschüts e perfin per impedir dous da tempesta. La festa il plü vers süd d'eira plü bod ad Alicante ed hoz a Torrevieja. (anr/bcs)